

五
研
齋
詩
鈔

五硯齋詩鈔卷九

仁和 沈亦然 韞山

瘁懼集

戲咏牆角秋海棠 庚戌

牆角海棠秋復秋今年開較去年稠從教玉露金風妬終
挽紅粧豔質畱於我有情應結子問卿何恨總低頭若嫌
衆草難爲伍便插銅瓶供小樓

讀晉書一百八首

武帝

臨平湖開天下平神龍屢見鳳鳥鳴武皇寬仁有宏略八
紘同軌六合清功成自謂固磐石不知此座眞可惜由來

神器慎付畀荷薪勿克誰之責
瓊嶠當年說果行元海雖存亦何益
奈何此意竟不同張泓已決疑事來從今天下
付楊賈羊車竹葉方徘徊吁嗟締造歷三世忍令一傳王
業替姦人悍妻交構扇豈是癡兒所能制未須更召汝南
王烈烈南風正狂厲

惠帝

先帝甫築山陵成太后已弑金墉城南風肆虐未足責母
子大倫寧不明旣殺爾母殺爾子天道好還響應聲倫也
矯詔固跋扈安知非假鳴不平諸王提戈互征討京師蹂
血茂草生乘輿旣中蕩陰矢單車又走烏桓兵黃門布被
從者屨鹽豉燥蒜同瓊瑛荒年道有肉糜食只今五益粗

飯甘如飴征西府中席未暖東海又遣祁宏迎虛名天子
十七載不定宛如棋在枰桃符不立誰使令

孝懷帝

內憂外患如鼎沸豫章空有天子氣王衍清談東海專便
令遷都亦無謂王彌劉曜入京師開門遜走華陰池長安
正遠追騎及闕下已橫三萬屍平陽大會集羣醜至尊青
衣起行酒筵前哭殺庾侍中安得瑯琊遠垂手杜門冲素
絕交遊沉酣史籍稱名流早知天子只如此悔殺當年聽
華脩

孝愍帝

麴屑盡無可喫遮馬橋誰拒敵至尊忍死活黎元肉袒羊

車豆田壁殿前稽首誠不辭奈何又令執戟馳父老唏噓
小兒指此是吾家舊天子傷哉辛尚書頸血濺帝裾請從
魏允九原下先爲君王供灑除昔年避難趨滎陽秦王本
無繼統望玉龜神馬太多事五年虛位終滅亡吾聞國君
死社稷豈有書牋反降賊孝懷前鑑況不遠褰衣就之母
乃惑嗚呼晉家厄運復何言王浚空勞殺霍原

元帝

金陵當有天子氣祖龍東遊甚無謂渡江五馬一馬龍真
人始出應圖緯江寧神璽玉麒麟勸進一百八十八人七謙
六讓竟不免臣民得主氣乃振衣冠盡屬南北望帝性冲
虛量淵曠納言引覆御前觴克儉唯施青練帳刁劉爨結

內患生元惡稱兵方內向欲居我處當早道此語令人氣
彫喪不殺王茂宏湛恩何龐洪乃令周與戴駢頸快元兇
強臣得意君瘖聾吁嗟王業終江東

明帝

鮮卑黃鬚奴巴滇駿馬行于湖繞城赤日夢驚起白龍竟
脫爭須臾歸來赫然運神算六軍用命虎臣贊沈充旣斬
錢鳳誅敦首高懸大桁畔憤雪上慰先帝靈園陵祇謁鑾
輿停王家羣從竟不問豁達遂令元宰寧內難雖夷強虜
逼下詔殷勤求讜直嘉謀要務次第行直欲中原一朝克
神明機斷道是遵武帝以後惟一人奈何天厭典午氏洪
基未復早上賓鼎湖龍去誰焚鱗河洛長飛戰馬塵

簡文帝

拱默仰元首恬暢欽風儀太阿雖倒授狂牛猶可縻不見
晞與晃手詔竟活之苟非睿斷勇誰保無游移遲暮登大
寶儼然乏洪規大勢日已去近事良可危舉頭視熒惑此
淚灑向誰吁嗟宴駕後靈見終何爲

海西公

犢車自出神獸門昨日六龍今短轅羣臣空有拜辭泪誰
能殿下誅桓溫豈不戀南面尊豈不念牀第寃天命不再
集餘生復何言但使美人在抱酒在罇公耶侯耶烏足論
許龍許龍爾速奔

零陵王

鳴弓射馬真不祥天子降作零陵王欣然書詔豈得已此
事誠知不由已永辭宮闕歸秣陵如鳥在籠魚在罾奈何
又遣褚叔度以計來戕避無路嗚呼一般屈辱海西同南
郡居然勝宋公

賈后

賈公閭政爾有此女弑姑殺子如撲鼠空聞帝脩金墉城
盛氣全銷趙粲語豈知繫狗不繫頸殿中早入齊王問上
閣遙呼帝不聞計事難尋壽與猛金屑酒來后莫辭白沙
吹盡悔已遲愍懷武悼相待久休哭宮西賈謚屍

羊后

廢何罪復何因堂堂晉天子不保一婦人宮車晏駕太弟

立洛陽又見干戈入始信人間有丈夫司馬家兒豈能及
悲哉晉家婦去生劉家雛太陽陵荒夜叫烏孤魂躑躅誰
與俱

愍懷太子

痴父乃生聰慧兒張華作傳裴楷師黃門貢媚奉密勅此
計更有何人知宮中屠沽揣斤兩西園又賣雞與蔡妖桑
暴長殆天意江統杜錫徒爾爲陛下不了我當了此語披
猖亦易曉奈何自墮機穽中空指天邊日皎皎金墉城許
昌宮聾空馬子纏汝髮生前不救藥杵慘死後徒勞王禮
隆南風歇絕冤始雪思子臺高涕頻屑莫怨君王悞殺兒
重泉太后猶嗚咽

安平獻王孚

當年慟哭高貴喪今年又送陳留王平生不幸兩見此欲
表臣心須到死雲母輦青蓋車至尊上壽誰能如九重雖
自錫殊禮老臣豈敢顏爲舒不見素棺單柳臨終書稱魏
貞士司馬孚

齊獻王攸

不能當璧空撫牀析圭祚土封齊王平生但患不忠孝神
器有主非所望竭誠奉國何磊磊內外欣然望風采撫心
恨事總無它君王不殺劉元海讒口方哆囑戀闕反見疑
守陵不許日敦迫悠悠道路從此辭此心唯有天知之

汝南王亮

初不用何勗計許昌坐聞楊駿斃後不聽劉準謀楚兵登
牆夜被收府中俊父雖如林至死欲明無二心車下苦汗
流跼此交扇彼貪布北門壁血尙元黃已報朝廷誅楚王

趙王倫

幾日作天子便來金墉城盡此一瓶酒差勝在頸兵何須
到此怨孫秀當日策功誰是首恣殘逞慾戮無辜爾旣爲
樊秀乃喉始也附賈終殺之貢諛獻媚曾幾時王輿助虐
還叛爾闕下請看枕藉屍芒山宣帝廟楊珍祈請趙奉笑
道士拜將軍太平爲號古不聞五兒駢誅三族赤逆臣自
取何足惜傷心兩月鼓聲中十萬蒼生死矛戟

成都王穎

功成流涕歸鄴都當時意氣感道途長沙誅後清河廢耽
耽太弟始負嵎外委盧志內孟玖帝頰已集金僕姑東海
唱義陶宏來單車獨走二子逋頓邱見執長史圖欲知天
命復何益陸家兄弟方擲殢朽骨爰載車中趨

會稽文孝王

趙牙主營造千秋鬻官爵相王方舉銀鑿落萬事唯憑國
寶諾忽聞稱兵王兖州上下相看但愕愕不如元顯乳臭
兒坐令王恭竟生縛居然乘醉奪司徒父子天倫乃攫搏
惜哉孝武朝奸臣自隕強氏梟名賢盡力數王謝神州漸
撥霧霧消奈何君臣不顧此糟邱壑谷方連宵寇來但禱
蔣侯廟長星又見杯酒澆桓玄醜爾豈足惜吁嗟晉室終

飄搖

以上古體十八首

何曾

曹爽方誅魏祚終策勲先及預謀功曾聞至孝同荀顗不
道卑躬附賈充食費萬錢猶未足書來小紙莫輕通無端
劉掾遭捶楚誤認機心是至公

石崇

相誇不惜碎珊瑚底事樓頭客綠珠但博美人能效死可
憐阿母坐駢誅春風別館餘花柳秋雨涼臺聽蟋蟀奴輩
利財誠足恨荊州使客復何辜

又

歌舞方陳酒正溫趙王介士已環門平生豪氣輸王愷此
日先亡羨彥倫豆粥盼誰寒食祭笛聲淒斷墜樓魂身名
俱泰徒虛語甕牖終勝衛尉尊

羊祜

一生功業平吳策千古謳思墜泪碑大信自能懷敵國毀
言安用禁當時角巾歸去談何易諫草焚來見有誰魂魄
若憐風景好年年應到峴山祠

杜預

火起巴山奪賊心北軍飛渡縛孫歆徒勞狗頸懸瓠子終
使鴟音集泮林南土謳歌推智勇杜家武庫自翩森何須
更立山頭石釋例孤行已到今

衛瓘

侍宴臺前酒半酣撫牀佯作醉言探智能託疾除鍾會禍
速歸籓贊汝南暗主不聰空自表一門同盡竟誰甘護軍
會報江由辱榮晦何人肯負慚

張華

子產爭誇見范陽丹心真可質穹蒼潛謀混一同羊傳密
計從容敗楚王牛斗光騰空望氣中台星坼竟羅殃平生
枉作鷦鷯賦不敵茲禽假羽翔

賈充

甲第金章萬戶侯一時勛業竟無儔元凶已喜誅成濟先
德徒勞說豫州都督夢中曾被錄夕陽亭下更何謀未須

表斬張華首吳土方平王氣收

王濬

阿童真是水中龍火炬西來鐵鎖融異地削平無血刃天
家賞薄不酬功難逢知己如羊傳悔不居謙愧范通莫訝
晚年忘素業有人方拓賭牛弓

王戎

舒卷隨時善自謀不徒談論過涼州休悲太子乘車出且
看司徒策馬遊定識幼能知苦李貪心老愛執牙籌竹林
濫預終何取鑒賞差堪勝等儔

王衍

夷甫神姿玉不如不論世事詠元虛一兒死後悲何益三

金瓶梅詞話卷九
八
窟營成計亦疎藻鑑豈逃濤祐眼蒼生竟誤老莊書石家
早有排牆手尊號空勞又佞渠

劉毅

功曹名譽早馳芬誰道平陽杜府君攫獸豈容鼯鼠蹈舉
綱寧獨紫朱分嚴校公輔人空待慙語桓靈世不聞九品
未除中正在老臣遺恨總齟齬

和嶠

朝塗爭推豈曲譽不徒見重賈公閭誤將生孝勞宸慮每
到危言爲帝儲千尺棟梁終有節一時意氣竟專車王家
好李方鑽核錢癖何須笑長與

阮籍

阮公淪蹟類猖狂醉裏揮毫著達莊強答辟書辭蔣濟獨
畱青眼看嵇康回車豈是悲途盡逃禍何妨瀆禮防只有
仲容能解此餘人如蝨處禪禱

嵇康

空說黃金可駐顏七賢何事獨罹凶廣陵散絕緣鍾會幽
憤詩成愧嗣宗石髓枉逢仙侶贈鍛鑪猶在柳陰濃君王
豈肯誅無罪悔得高名是臥龍

山濤

色養方終已老殘卅年恩遇強彈冠高名難脫嵇康禍此
座能教太子安休訝十間茆屋破猶餘八斗酒腸寬名兼
吏隱如公少底事興公又索瘢

陸機

十年閉戶水雲區肯負堂堂七尺軀黃耳有情同入洛
尊羹雖好不還吳功名失足悲倫穎讒忌無端遇孟盧淒絕
華亭清夜鶴魂歸可與士龍俱

陸雲

不是龍駒卽鳳雛巢傾穴碎竟何辜未能帝室升張膽肯
與邯鄲媚腐夫泣諫枉流僚友涕羈魂應羨首邱狐浚儀
圖像清河墓牲酒年年走士徒

潘岳

乾沒潘郎死不休閒居空自賦優游酬恩難得河陽客躁
進曾題閣道牛投分石卿期白首周旋孫令逞前仇愍懷

久負泉臺屈莫怨無端竟被收

周處

除蛟殺獸只尋常從此飄然謝故鄉豈肯無文同絳灌爭
傳爲郡比龔黃虎臣全節膏齊斧馬革還尸弔國殤死所
久知狼暉好何曾宿憾怨梁王

周訪

頻聽將軍奏凱歌尅清江漢定湘羅威稜江左真無比功
業平生敢自多誰似長沙堪契合固知處仲是么麼未平
河洛身先死空使君王淚似河

苟晞

小校居然領大州豈能真爲國家憂殺人忍令呼屠伯遣

信徒聞募快牛韓白不援京邑陷桓文已負詔書優閭亭
死後休饒舌一隊蛾眉正卸頭

嵇紹

昂昂埜鶴嵇延祖身在雞羣志九臯炙手豈容狂豎友推
琴不爲壯王操鯨鯢骨肉悲原火板蕩乘輿歎弁髦頸血
只應濺御服誰能騎馬隻身逃

張軌

中原塗炭六戎爭只有涼州可樂生山石尚畱金馬字將
軍新拓臥龍城一方壤奠無虛歲萬里鴟若冇義兵頻死
不曾忘報國何年魂魄見澄清

劉琨

英氣騰霄臥枕戈未梟聰勒自投羅閉關計失違箕澹速
禍書來助末波讎共戴天幽憤結柔成繞指壯心蹉恨無
奇略盧從事不把詩篇著意哦

祖述

慷慨中流擊楫聲張樊塢堡時平威稜驚落強隣膽涕
泣譌輸父老誠鐵馬正謀馳冀埜妖星又見壓州城泉臺
一樣英雄淚不用先鞭羨祖生

段匹碑

六戎金鼓滿中原只有鮮卑作外援反間計行家國破歸
朝路絕節旄存此生已分填溝壑不屈空勞結弟昆何事
誤疑劉廣武泉臺無語謝冤魂

王導

江左夷吾是茂宏當時勛德更誰同一門全活流言裏半
壁支撐沸鼎中儲位不搖元宰力澤宮重見太平風固應
吉卜占繁衍直與淮流共始終

劉宏

肅清江漢二張誅十萬流人獲定居肯信間言疑士行終
將名郡授皮初益州竟活零陵米惠政方公大澤魚存歿
襄陽歌父母羊公以後更誰如

陶侃

何用風塵笑吏胥再寧淪鼎正乘輿劉宏一語真知已陸
抗諸人定不如屈節竟令元舅拜勤王偏激太真書漫譏

陰有窺窬志止足能懷孰似渠

溫嶠

狂狡滔天社稷危皇綱端賴盡臣維不教錢鳳騰讒口終
激陶公舉義旗攄臆暢陳軍國務沃心先獻侍臣規如公
忠武真無愧千古欽傳灑泣時

郗鑒

倫簞晞爭獨潔身輒分資贍活鄉人外援久作長城倚危
論寧憂獬犬猜算屈鳳含清海沸料平峻約補天迤彌畱
無事堪膺慮內舉祁奚不避親

周顗

周侯雅譽滿人寰鳳德將衰鬢已斑僕射過江三日醒新

亭舉目幾人潛固應此腹容鄉輩豈肯低頭活草間何事
茂弘空負疚石頭城畔血猶殷

卞壺

卞氏羣誇有六龍望之真不愧家風曾因稱病彈王導空
進忠言阻庾公力疾已看都督歿殉親又見兩兒同千秋
奇節驚人鬼卻笑君王客侍中

郭璞

投策曾嗟厄運臨去鄉聊作擇枝禽雄詞一世推江賦奇
驗平生著洞林陳掾死來真得所卜生亡後絕知音日中
命盡山宗手悔煞桓爨厠上尋

庾亮

華藻清談兩不窮一時風格冠江東
亂階休責徵蘇峻戎首方謀黜茂宏
涼夜樓高登老子汚人塵起障西風
中原未復邾城陷玉樹傷心著土中

桓彝

歷落欽奇可笑人簞瓢隨分豈長貧
結交難得徐東海筮卦偏同郭景純
狂豎跳梁誰召寇孤城慷慨獨捐身
平生識鑑真無愧俞縱何曾負茂倫

殷浩

爭看北伐振天維又報山桑陣
蕭索虛譽只應爲令僕庸才誰遣
統熊羆誠知怪事書何益竟達空
函數亦奇不若屏居終老死却教
王謝苦相推

謝安

東土棲遲亦偶然
薜蘿襖後便搗天
新亭笑語終存晉
山墅從容已破堅
志在翦戎求北伐
裝成汎海不東還
傷心莫過西州路
敲斷羊曇醉後鞭

謝玄

使任曾觀履屐間
舉親違衆亦何患
推枰莫笑圍棋劣
對陣誰如攬轡閒
百萬游魂聞夜哭
八千精銳看生還
如何空結東山想
伏枕無人起病孱

王羲之

王家羣從總紛紛
骨鯁何人似右軍
東土不妨爭減賦
北征早料必無勛
興懷今昔蘭亭敘
絕意功名誓墓文
千古

山陰傳盛事豈徒書法換鷺羣

王恭

國寶纔誅討尚之兩年再見晉陽師徒聞竹里謀先據直
到倪塘悔已遲元舅一時推地望神仙千載想丰儀平生
最信劉司馬不敵桓立活庶兒

劉牢之

將軍須目自驚人百勝曾誇北府兵竹里叛來妖夢踐洲
洲屯後二心生失期但解憐吾子却諫終應愧外甥孝伯
有知當一笑桓立不是太無情

劉毅

曾從草澤識英雄快快偏慙下宋公釁起尺書投地後神

銷一子喝聲中堂驚已雪微時忿魚水空言往事同何不
賦詩追正始角巾歸老勝矜功

王敦

揚枹振袖早無君蜂目豺聲果噬人隗協釁成忘忌器鳳
充謀合類投薪贈言悔不聽熊甫拔舌空思得太真若使
當年行上計何由懸首快齊民

桓溫

親讎白刃戕喪次天子單衣下紫宸爭說桓彝能有子可
憐晉室已無臣奸謀半寢陵前鬼逆節全萌壁後人空儼
劉琨須目好此心終是不於倫

桓玄

靈寶何曾及父才南郊竟爾告天回休愁書畫輕舸在未
入雲霄一廟摧謠詠早知桓氏滅驅除端爲宋公來不知
輦上諸君子更有何人伴夜臺

以上七律四十七首

南陽王保

高坐秦州宛矣君設官徵貢總紛紛曾無洪略謀恢復腰
腹徒誇八百斤

平原王幹

莫訝淫尸納露車平原何必定真愚宗支滅盡中原陷壽
考誰能及是夫

長沙王父

枉破城都七萬兵垂成功敗更何云冤聲盡下三軍淚只
有君王總不聞

空將忠孝證神祇草木萌芽是死期甫殺齊王身又戮却
教太弟入京師

裴顧

東宮終上犢車行抗表空增宿衛兵若使華模無異議趙
王起事更何名

衛玠

微言絕倒王平子綆淚難收謝叔輿卽此風流居令僕一
時梁棟竟何如

賈模

私家富竟擬王公朝野猶推輔弼功天不假年真幸免可
憐賈謐斬宮中

楊駿

危如朝露不知憂愼諫空勞主簿謀不是舍人能仗義橫
尸馬廐有誰收
大戟何須植似林殿中兵出已成擒却教珧濟無辜死只
有知幾是蒯欽

魏舒

領袖堂堂有魏舒老辭榮祿賜安車平生建命誰能似周
震居然下辟書

王渾

臨江醺酒慷當慨建業宮前劒戟光但破中軍功亦可何
須頻奏罪龍驤

王濟

千萬爭看賭射牛北邙山下號金溝豈知哭殺驢鳴客豪
氣全消土一邱

山簡

高陽池上日酩酊京洛旋看茂草生不忍舉兵征華軼友
朋情重國恩輕

樂廣

水鏡瑩然孰與儔亂朝中立自優游從容遣盡東宮客彥
輔何如滿武秋

任愷

朋黨紛然徒爾爲賈充未出已身危萬錢一食殊無謂豈
是良臣失職時

奉國忠臣竟見疏魏舒今已作司徒至尊垂盼微臣泣只
恐君王殺不辜

劉頌

束髮登朝庶事康平生報國有封章恨無奇策除元惡肯
把殊恩媚趙王

阮咸

馬上爭看挾婢還琵琶聲急酒盈寬山濤底事偏饒舌典
選原非任達官

阮修

四十居貧尚未婚杖頭聊挂百錢行平生邁志無人識偶
爾濡毫贊大鵬

向秀

一聲隣笛淚潛潛園圃荒蕪鍛竈閒嵇呂死來知己絕聊
將城市作箕山

劉伶

已分糟邱了此生兀然而醉恍然醒笑他阮籍偏多事白
眼看人未肯青

閻纘

嬖后謀成太子寃大臣不語小臣言輿棺便令批鱗死終

勝諸公結舌存

謝鯤

援琴歌罷酒盈罇折齒褫衣總不論邱壑浪言過庾亮跳
梁無計阻王敦

王尼

王澄死後無知己命盡車牛一椀羹滄海橫流均是死何
須長假免爲兵

皇甫謐

生辭榮祿葬無棺六十餘年太璞完一代高風傳盛事秘
書曾借一車看

邵續

棄兒歸國誰言忍對使陳詞
豈乞哀已分灌園終此世傷
心又見匹磾來

郅超

桓溫英邁本無倫只有參軍入幕賓
性果樂聞棲遯好勸爲伊霍是何人

劉隗

石頭已破國家危正是忠臣畢命時
却與至尊揮淚別朱衣騎馬欲依誰

刁協

已拚一死報君恩底事依違又出奔
僕從散來身不免却教函首送王敦

戴若思

公輔才推戴若思竟無奇略敗王師能言已令王敦笑悔
殺當年惡呂猗

桓冲

時望恬然讓謝安誓清氏賊敢辭難不圖高算輒年少垂
死猶聞發浩歎

喪還士女哭江津心在朝廷澤在民遺表死來無一字桓
家肖子晉純臣

王湛

處冲何事輸王濟三十年來總不知一笑金錢編馬埒相
看畢竟是誰癡

王坦之

毀詔牀前豈激昂大臣謀國自周防更無餘事勝安石獨
挽頽風著廢莊

劉惔

曾料桓溫克益州河干又覓孝廉舟真長自是人倫鑑不
獨清談第一流

何充

強力終能立嗣君內憑殷褚外桓溫西藩從此堪高枕只
恐狂牛解繫奔

蔡謨

浮航脫帶未爲非真正難辭素望歸便作司徒應不愧何

須頻與詔書違

孔愉

低徊時政老臣嗟
皓首封侯敢自誇
百萬送資無用處
數間茆屋是吾家

謝尚

舞看雉雉仰還低
率爾坐客詆雅樂
復聞喪禮復顏回
爭說謝安西

桓伊

青溪岸上曾三弄
主客無言笑道途
何似撫箏歌慷慨
謝安前將使君鬚

殷仲堪

祇因恩狎鎮西陲
首鼠何曾得自持
引決柞溪靈寶笑
褒陽又見殺佗期

何無忌

雄略爭誇與舅同
義旗終建挾天功
不圖螯腕逢蜂蠆
命盡江頭一夜風
樓船密密戰雲重
長史良謀悔不從
握節死來真得所
宋公終不活盤龍

李元盛

白額駒生衆見推
玉門西去地垠開
如何再上稱藩表
晉使曾無隻騎來

以上七絕四十三首

五硯齋詩鈔卷十

仁和 沈赤然 韞山

病足集

重九病中寄方柘湖孝廉定州

庚戌

寂寂官衙一病翁
障天塵起鯉魚風
生憎叢菊開多事
不覺衰顏醉易紅
千里鄉心煨芋裏
十年佳節轉蓬中
知君高會方豪甚
幾個尊前舊雨同

再題苻田秋江曉泊圖

余頃以足疾去官擬來年促裝歸矣約苻田同行不得偶披此圖再題二絕句

白髮時增黑髮稀
畫中容貌近應非
空勞陟岵年年望
底

事扁舟不賦歸

我是黃粱夢醒時只今歸去已嫌遲
青山似昔梅花老可要逢人寄一枝

引疾後方秋穀復出學校圖索題爲賦長歌畱別

作圖慕歸畊君願幾時遂豈如我弱行浩然決歸志四體
素不勤播種昧殖穉幸與田家鄰久或習乃事脫衣買舊
畚杭秫種隨意難爲入口謀差供一年醉平生五硯存洗
滌日三四抽毫咏康年俾之入歌吹君也嚙肯來雞黍諸
子侍交趾敘疇昔世事非所議授君樹藝方脫略免執贄
君斷浮山荒我鉏西溪地寓書訊眠食得句付郵寄豈是
遺榮達聊以免顛躓聚首歲八改要結在古誼我還君尚

畱時殊境亦異披圖賦長歌暫別莫相弃

除夕寄潘松心明府玉田用蘇子由除日寄東坡韻
如願不用呼癡飲賣可惜何必慨他鄉聊復度今夕
呶嘍小兒女圍坐滿一席薄酒斟深杯辛盤雜脯腊
老妻強舉觴嘈嘈話疇昔對茲明燭輝坐令百憂釋
共聽更短長安論馬得失因懷松心翁垂簾聊譙客
焦勞歎兼旬鬚髮笑拳磔今歲夏潦沉稼時正發帑賑恤有酒不能飲
所憂在二麥安得水中田盡作龜兆圻往時羨君樂擁書
恣討覈束縛二十年偶然脫官籍賤子迫吏道雨日苦淋炙
何由對桐竹虛堂翠光射望君霄漢中豈僅去尋尺
今我不待年謝病稱民伯促裝謀歸畊築室倚叢碧
君又聽衙鼓簿領紛永日奸民

痛誅鉏耨吏急剪馘將毋青霞心復爲紅塵隔瞬目卽明年良夜莫輕擲

人日偶檢得甲辰此日在南宮與方秋穀同作五言一篇忽八年矣引疾以來客齋冷落不復循挑菜煎餅故事唯觀秋穀荇田諸君試年庚爲樂因賦四韻

辛亥

靈辰曾與對哦詩八載渾如一飯時擾擾鬢鬚憐老易栖蹤跡悵歸遲居貧豈有薰天餅止酒慚無屬客卮一試年庚聊爾耳便分盧雉亦何爲

自庚戌冬謝病迄今已五月矣僑居保定歸期屢愆每念先人幽隴未卜輒泣然終日率成七首用陶公

詠貧士韻寄潘松心明府吳穀人編修

大塊一逆旅隨地堪因依遽然春睡足六合同朝暉梁燕
不嗔我翻翻檐前飛貧居無南北胡爲思遄歸人生愛妻
子動慮寒與饑親棺側中墊拊膺能無悲

詩書數百卷鱗次塞西軒本無一壠植更窺誰家園半月
食無肉一飽厨有煙豐嗇信天定敢希桑與研征軸幾時
戒攢念不可言掩卷發長歎吾生愧前賢

十指不解彈辜負壁上琴請看箏琶手四海多知音積糠
不可築夢鹿安用尋何如一壺酒獨對停雲斟永言寫情
慮聊以寄所欽豈望麥舟助之子吾同心

駑馬怯重遠愧木慚持婁坐縻十年俸愧無一事酬因病

獲閑適冬去春欲周白雲蔽鄉國緬邈生百憂何時麋鹿
性得與猿鶴儔成裝尚不易此外夫何求

浮屠涵賈島鏡湖老方干以我視二子相勝只一官常慚
便便腹藜莧果三餐著書無一就守此旅舍寒行行且歸
去欣然失苦顏誰能從我遊一叩松間關

早歲失怙恃飄如孤生蓬稀膏運方穿涉世非所工同袍
數十輩政績半黃龔書來苦相挽期以善宦通痿人不可
起榮悴焉能同此計已久決弗假龜筮從

西湖晴雨好名勝甲九州西谿更幽絕高下多良疇茶筍
價如土梅竹夾清流但架數椽屋可忘千歲憂微生值

盛世幽願當易酬此心孰先獲卓哉吳編修

穀人與余有築
舍西溪之約

送方秋穀之開州四首

八載同晨夕平生得幾人非徒膠漆固直似影形親奉職
慚尸位懷鄉乞病身無由挽君住此別總愴神

往赴蓮花幕相逢定恨遲回看懸榻處可憶訂交時病鶴
悲翔步晨星悵別離歸畊曾有約記取舊題詩

楚越分肝膽丹青易醜妍我誠更事少君亦用情偏濡首
寧徒酒耕心大勝田倚閭人老矣歸計定何年

拙宦真堪笑唯君信我貧徒添雙髻雪浪擲十年春破屋
牽蘿補荒塋負土新相誇無別事田塾號閑人

雁字

塗破涼天淨排成雁字工書空非咄咄作草太匆匆體勢

翱翔裏風霜點畫中休誇椽大筆那得與渠同

花朝

餘寒不放柳條芽惆悵花朝未有花
抖擻俗塵留老眼千枝終見爛如霞

寒食

家家此節誰寒食嫩韭萸蒿熱滿盤
只有貧兒難舉火一年常食半年寒

今年清明正值元巳良辰合并余方鍵戶養疴食菜羹黍麵坐對春光土思益切悵然有作

難逢初巳正清明楊柳當門舞燕輕
游客提壺無一過女兒翻草問誰贏
石泉那得烹榆火黍麵何妨入菜羹
修禊

踏青都負了晴窗擾盡著書情

蘆花飄揚庭院誤認柳絮作詩嘲之

蘆花點點穿窻扉遠疑柳絮近却非河洲江渚慣見爾飄
逐客舟迷釣磯蕭蕭只合白頭老硯池酒殘難因依風吹
汝來太多事顛狂徒令吾儕譏不如供人實襖被安藏差
勝漫天飛

責子用陶公韻

種苗向東臯旣秀始期實讀書貴敦行正心斯正筆織錦
機上斷何如布成匹嗟我負庭訓豈有教汝術然覽古賢
達士或得六七夏楚非不祥恭順出戰栗毋羨他家兒坐
擁阿堵物

去冬爲苐田再題秋江曉泊圖苐田初無歸志今先
余行矣作此送之

不道幡然決南還在我先但看啣壽酒遑問壓裝錢葺壘
隨春燕催歸謝杜鵑開圖應一笑真個上江船

苐田瀕行復出觀畊圖索題率爾成篇兼示方秋穀
方子學稼不肯歸楊子樂畊終願違紛紛作圖索詩句令
我對之生纍紆江南五月梅雨過主伯在田女在機柴門
日夕相慰勞往往至樂生庭闈曩時家居不解此翻疑力
穡恆苦饑半生作客竟何有親知濶絕蓬鬢稀只今倦遊
欲歸息貧無一壠安所穡羨君決計竟先去秧田水滿桑
葉肥圖中風景不用一錢買任徂畛隰恣遐睎只愁見慣

易生厭秋風又促駟牡駢人生行止固難強問誰甘著田
家衣煩君丁寧語方子寸草當念三春暉

浴佛日客窗睡起潘松心寄示近作

春去堂堂又幾時客囊傾盡尚栖遲纔看弱絮飄虛幌豈
有朱荷出淥池貧慣作齋勝浴佛懶便支枕罷臨棋林檎
青杏何人餽但扣琅函讀寄詩

自題病足圖

短衣挾策半天下徃徃重胝泥沒踝爾時健步頗如飛爭
羨鳥過輕惹惹八年竊祿辱興葢一朝軟脚稱跛者天公
有意遣歸田十畝犁鋤看兒把蹠躡鑑井政不必由來躍
金惡大冶何妨鑿鑿終此生以神爲輪尻爲馬風塵知己

能幾人藉藉翻疑稱疾假飽鮮醉醲亦大好豈肯將身弃
田塾便言去直爲尊鱸胡不相從樂聊且真耶僞耶姑聽
之長揖同袍暫歸也

贈湯司馬古樹

辛丑五月與古樹別於都門後六年丁未余自南宮
量移豐潤古樹以大理寺司務除宣化府司馬中間
纔一通尺素已西冬余以公事貶秩引

見後仍發直隸以知縣用適古樹檄調至會城有楚中之行
始得兩見庚戌余知大城縣事尋因弱足去官淹留
保定不能成裝頃古樹自楚還役數蒙枉存余方苦
弱行古樹又患重聽相視而笑遂爲長歌

十年不相見相見乃在失意時君驛我跛兩啞啞相喻在
彼不在茲君雖萬里久行役賢勞王事誰敢辭溯洄江漢
吞雲夢風景盡入皇華詩豈如蹇人矮屋底百無一見縮
首龜全家旅食苦珠桂愁絕夜來聞子規憶昔久索長安
米豪情逸氣不受羈一從束紳事簿領往往搥鼻艾炙眉
羣嗤磨牛踏陳迹自愧驚馬登崎嶇也知家居食不足豈
有跛者能臥治持此破硯且歸去更向誰乞還山資我行
子住自此別雄飛雌伏均可師廉吏重聽政何損蕭蕭五
馬看一麾他年車騎果尋訪龔跛笑倒鄰家兒

送潘松心之官廣宗卽以畱別

遲君玉田來送君廣宗去去去不可畱情長覺語絮五載

數離合相契在隱處人笑淡於水豈知甘可慮翻覆生雨
雲樽俎險澁瀕非唯交道然可推宰黔庶初政失太寬如
以朽索馭末復操切之頌者轉爲詛君屢治劇縣清德人
所飫唯能知其故到處得民譽還期勿更張毋弟羨騰翥
嗟我先君歸負腹料蔬茹憑此一寸心疎頑當我恕

招古樹小飲寓齋

鞍馬何須照地光古樹甫還役宣化
輿馬未至故云試來小飲莫辭忙十
年纔得同三醉白髮燈前兩酒狂

駝蹄熊掌苦相邀歌舞當筵記昨宵古樹昨赴蓮
花池公譙我欲爲

君都洗滌爛蒸壺瓠煮蔬苗

南烹鹵饌竟誰賢說食膏盲病早痊結習未除杯酒興却

嫌豪氣遜當年

古樹重聽乞休約余秋間同行詩以堅之

京國論交十七年茫茫宦海竟同還
龔蟲跛驚歸聊且白酒黃雞計浩然
一笑各如沙箸縮餘年閑看魴魚緣
陸家池面應難共擬借張融岸上船

詠寓齋古槐

空庭特立詫輪囷兔目方過鼠耳成
障日不遮疎處照含風偏作晚來聲
百年手植人何在一楊心閑夢亦清
跨鶴騎魚皆妄語擬餐槐實令身輕

聞賣芍藥有感三絕

露朵煙枝擔滿肩數聲高唱乍晴天
老夫不是無錢買讓

與鄰娃插髻偏

偏反安得舞階前
瓶裏仙姿亦易蕪
名品舊聞三十一遍
栽隙地擬明年

雙紫堂前錦數堆

余令豐潤時於雙紫堂前後蒔芍藥數十本花時頗助勝咏之興

朱朱

白白殿春開料今花發應如舊
更向何人索句來

雨中方秋穀見訪因畱小酌卽止宿寓齋

破屋大如掌狂霖潤到書
畱君唯白酒供客只青蔬
醉語天真出閒居
世事疏不圖深巷轍尚有故人車

屋漏

春來雨露稀麥壠疎不茂
陡作油然雲渰淒變清
晝踉踉階跳珠密密檐瀉溜乍看牕紙穿
俄報屋瓦漏呼婢徙牀

榻兒女喧左右經史吾所珍倉卒舒被覆遷徙坐黃昏一
燈共相守老妻笑語我破屋那可儻綢繆既失時牽蘿補
亦後倘遭十日雨芝菌生領袖從他生領袖好雨自天祐
但使麥有秋豈憚傘遮首沽酒試斟酌相對莫眉皺誰贈
艸堂資西溪謀架構

潘松心交替畢行至北河復以他事回玉田遲久不
至

五鼓統如可奈何不圖又見使君過老翁拄杖兒童舞猶
唱捐矛弄戟歌

相期一醉欲成吟何事重教馬首回俯仰桔槔真不羨知
君心已十分灰

端午邀古樹同泛蒲觴

蒲人艾虎未全貧
萱草榴花照眼新
羈客又逢重午日
清尊難得兩閒人
朱符學畫從兒輩
角黍交貽愧比鄰
好向夢中觀競渡
電旗雷鼓走湖漣

謝秋穀餉越釀

君不見王定國連車載酒聲
麟麟又不見陶靖節一斗自
漉頭上巾我今二者不得一
世無李白誰汪倫感君有佳
釀不惜餉病身泥封未啓喉
舌先生津半年飲酒但飲濕
齏湯蜜汁強入唇一朝紅友
忽相過風味恍如平生親半
酣有真趣獨飲非不仁呼兒
捫腹中有浩蕩春只恐鄭義
掩口笑送酒不賣真痴人

觀小子願碎盤

隆思積慘安得歡不意兩度看碎盤往時阿申提筆印

次

顯小名

阿庚拿弄復一般

願小名庚

家人繞看稱嘖嘖謂能讀

書兼作官我謂識字憂患始無官一身輕且安但使孝弟力稼穡種榆未必輸芝蘭吾家四世止一子今也繞膝喧團圞何年婚嫁得粗畢逍遙不煉九鼎丹

讀制軍梁公過密雲縣九松山詩恭次原韻二首

犖角坡頭散馬蹤高張六纛啓童容頻覩福曜臨三輔靜

對嵐光憶兩峰

公名肯堂錢塘人

駐節偶吟真律手畱顏難老似

喬松聲名官職如公少未許雙旌換一筇

灑道頻年記昔蹤只今蹙蹙不成容

鑒與臨幸木蘭余先後四供灑道之役去

冬以足疾乞罷徒勞雨露培孤植終笑駑駘陟峻峰貸潤漸應乾
到硯感恩唯有頌如松何時綠埜歸裴相更獻蒼籐九節筇

別古樹先歸武林

曾約同歸竟獨歸燈前惜別兩依依繞堦蟲語隨人絮倒
甕松醪屬客稀甌破定知君不顧籠開應羨我先飛相期
約畧桃花候畫舫紅橋鯁正肥

曉發淀河寄潘松心

草草勞人又一年淀河依舊水澄鮮

去年七八月間閱視被水村落數來往淀

中蘆花蓮葉爭遮眼帆影風聲獨放船鄉思欲隨歸鳥翼
貧裝猶剩買魚錢憑誰寫入丹青裏寄送先生簿領邊

甲馬營二絕

甲馬營前落日斜，插天高柳噪歸鴉。
兒童漫說潛龍處，已是尋常百姓家。

紅光櫪馬夜分驚，天遣真人應運生。
翹首鼎湖龍去久，年年青草到春萌。

靳家口守閘作

南北相望閘不通，橫支一木度西東。
無端常鎖三分水，至南旺三分北有客空乘十幅風。
牢繫杙畎聽歎玉自斟，流七分南流壺酒看飛鴻。
休將名姓煩津吏，見慣尋常半刺紅。

九日舟中煨芋

十年官舍逢重九，不及扁舟送我回。
風景漸南秋正好，胸

懷無累醉成吟從他白鳥冲帆去何必黃花指櫓開兒女
滿前香芋熟紛紛爭撥瓦爐灰

仲子祠

朝過仲家淺上有仲子祠三楹太草草門扃開何時繞祠
百十戶苗裔實緜滋歲時獻牲醴老幼奔走之俎豆徧天
下神豈啻在斯但能蘋藻潔桑梓寧不思我欲一瞻拜舟
駛不可維遙語爾村衆灑掃當有司

久飲桑寄生酒至濟寧足漸能行欲登太白酒樓不
果

嚮道憑紅友驅除賴寄生彌年悲蹇步一旦喜能行應免
美人笑何煩跛者迎酒樓高突兀乘興欲登城

舟中曉眺嶧山湖二絕

船牕初拓曉風涼一綫雲開日淡黃
忽聽數聲漁唱好嶧山湖裏水茫茫

山色波光一望中片帆時向魯橋通
蘆花颭處沙禽起眼界新來漸不同

雨中曉渡黃河喜見淮南風景

滾滾河聲夢乍醒好風微雨正揚舲
半生日下人初老九月淮南草尚青
入口不辭深淺瓊倚舷貪數短長亭
兒童也解家鄉近拍手船頭舞不停

露筋祠二首

爭傳此地憑英爽殲盡蚊蚋客睡安
我道清操勝冰雪門

前六月自生寒

朱薔碧瓦草叢叢涼月空階咽晚蟲只有清波照千古白蓮開謝任西風

晚泊由閘關率成四絕句

舟梁阻歸橈徘徊看月上水駛兩船間淙淙作泉響樹朽瓊花觀骨灰吳公山只有邗溝水隨潮去復還誰家好臺榭妖豔擁復攜但歌綠頭鴨寧知唱竹西燕城佳麗地問我何所貪最憐山色好隔岸是江南

瓜步渡江欲遊金焦二山因長女疾甚不果

風塵十載模糊眼今對江山始一展舉帆放意弄清快絕勝登車聽輪轉高檣西去接遙天健席東來掛晴睨獨浮

大白臥船頭收拾金焦入睇眄半生慣坐鴨嘴船悔皆草
草去復還無由試榻瘞鶴帖何曾一汲中冷泉此番擬作
十日住女病促歸無乃天波中笑倒石頭陀俗子那結江
山緣收帆振舵入京口遙謝頭陀稱負負明年來釣北固
山一手鱸魚四十九

吳門

昔年風景未全非街巷喧闐汗雨揮宦海脫身人海過黑
頭隨牒白頭歸藏嬌惡看紅窻舫贈友慙無白紵衣是日金篠
廬見訪引睇靈巖好山色欲將行脚款禪扉

過烏鎮寄鄭緝亭明府二首

浩然歸最早

緝亭先引疾

築室買菑畬有酒堪娛老無愁不著

三石齋詩集卷一
書壓頭冠尙在攘臂計何如不敢停橈訪知君鍵戶居
喚醒黃梁夢書成誓墓文效顰應許我足穀不如君世事
浮雲改生涯破硯耘相違無百里何處挹清芬

到家

初聞雞犬也鄉音草木油然倍有情垂老親朋驚識面熟
遊坊市笑忘名衣冠小別因歸乍魚笋食嘗爲價輕樂甚
轉疑身是夢茫茫宦海竟還耕

謁墓

落葉委埏側荆榛刺袍襖未拜先涕零此意不可道攜家
就微祿十載闕拜掃望雲焚紙錢垂老戀棧阜何如屠沽
兒年年薦黍稻拜起強收淚傾觴灑枯草傾觴灑枯草怒

焉心如擣欲去復徘徊寒風來振槁請書舊墓文
守終老

題家煒賓弟洗研圖二絕

十年分手今重聚不覺朱顏遜畫中且喜一般稱硯癖

有滌研圖墨池雲起漾春風

花明如錦草如裊枯坐唯餘硯牀身誰說石泐交冷淡此
中常有十分春

集同人湖舫次韻潘亞江見贈二首

纔乾汗脚濯纓塵彼此驚看白髮新一笑又窺西子面十

年空現宰官身喧轟勸酢沙鷗起零落交遊墓草陳

謂胡竹城

屠鵠

兩岸青山應怪我歸來誰是愛山人

東坡全集卷十一
似與林泉有夙因重來魚鳥解相親
畊桑漫說兒曹事瓢笠聊爲

聖世民落日煙雲山更好故人情味酒同醇
明年便擬西溪住誰種梅花作比鄰

除夕

除夕除何事新愁換舊愁年華蛇赴壑
功業雪盈頭醉欲邀司命歸應勝宦遊
誰能同守歲高枕聽更籌